

左弁官下綱所

應令七大東西延曆寺轉讀大般若經事

東大寺僧卅口

興福寺卅口

元興寺廿五口

大安寺廿五口

藥師寺卅口

西大寺十五口

法隆寺十五口

東寺廿口

西寺廿口

延曆寺六十口

右左大臣宣奉勅、迺者、病患頻發、死殤間聞、救濟之計、尤賴佛法、宜仰綱所、令件等寺々、始從今月九日、已二點、三箇日間、每寺擇諸僧之中、智行兼備者、轉讀件經王、必致冥感、其供養料、七大寺用大和國正稅、延曆寺用近江國正稅、東西寺宛大炊寮米者、綱所承知、依宣行之、庶幾慧風急扇、霧露之痾早除、妖氣自消、都鄙之憂無聞、事緣攘災、不可懈緩、但供養料米、各可運送之狀、仰彼寮國了、

天德四年四月三日

大史我孫宿禰

中弁藤原朝臣

〔扶桑略記村上〕二十六天德四年五月二日庚子、又天下疾疫、天亡之輩甚繁、給官符諸國并十五大寺等、讀經祈疫癘事、

〔日本紀略村上〕四天德四年六月十四日壬午、請百僧於南殿清涼殿、令轉讀大般若經、為除天下疾疫也、今日於仁壽殿、令大僧都寬空、修不動供、為息災也、廿一日己丑、結願、

〔扶桑略記村上〕二十六天德五年元應和四月廿三日乙卯、勅聞天下患疫疾者巨多、宜給官符五畿七道諸國奉幣轉經祈禱除災、又令七大寺、及有供諸寺同讀經、祈止疾疫事、

〔日本紀略村上〕四康保三年七月七日庚午、今日宣五畿七道三箇日於諸國、定額寺轉讀般若經、禁斷殺生、又自來十日三箇日、於諸寺有讀經、七大寺延曆寺、東西寺、御靈堂、上出雲寺、祇園等也、依天下疾疫也、